

**Vajntxwv hais tias, kuv yuav qhia tus TSWV tej lus rau sawvdaws hnov. Nws hais rau kuv hais tias, koj yog kuv tus tub, hnuv no kuv yog koj txiv.**

Koj cia li thov, kuv yuav muab txhua haivneeg cob rau koj kav. Lub ntiajteb no tagnrho yuav yog koj tug.

**Koj yuav xuas qws hlau tswjhwm lawv, koj yuav tsoo lawv tawg ntsoog ntxaws, yam nkaus li tej laujkaub av tawg.**

Nej cov uas yog Vajntxwv es, Nej cia li ua tib zoo nloog tej lus ceebtoom no. Nej cov uas yog nomtswv es, Nej cia li muab siab rau kawm zaj no.

**Nej cia li ua siab dawbpaug tu TSWV uas yog Vajtswv, nej cia li txo plhuav nej lub hwjchim txhos caug pehawm nws.**

Yog nej tsis ua li ntawd, nws yuav chim sai, nej yeej yuav tuag tamsis. Cov neeg uas tso siab plhuav rau tus TSWV yog cov tau koobhmoov. (Nkauj Qhuas Vajtswv tshooj 2)

## **365**

### **KEV NPLIJ SIAB**

Peb tus Vajtswv hais tias, cia li ntuas kuv haivneeg, cia li ntuas lawv.

**Cia li txhawb cov neeg uas nyob hauv lub nroog Yeluxalees lub dag lub zog. Qhia rau lawv hais tias, lawv raug kev txomnyem txaus lawm. Kuv twb zam lawv tej kev txhaum tas lawm. Kuv twb rau txim pauj lawv tej kev txhaum txaus nkaus lawm. (Yaxayas 40:1,2)**

Ib tsoom neeg lxayees es, Tus Tswv uas tsim nej nws hais tias, tsis txhob ntshai kuv yuav txhiv nej dim. Kuv twb hu nej ib tug npe zuzus nej yog kuv tug.

**Thaum nej hla tej dej dag tob kuv yuav nrog nraim nej, nej yuav nyiaj dhau kev nyuajsiab ntxhov plawv. Thaum nej mus hauv hav hluavtaws, hluavtaws yuav tsis kub nej, nej yuav kwm kiag tej kev txomnyem uas sim nej siab mus, tsis raug xwm dabtsi.**

Rau qhov kuv yog tus TSWV, nej tus Vajtswv. Kuv yog ib tsoom lxayees tus Vajtswv zoo kawg nkaus uas cawm nej dim. Kuv yuav muab lyiv lub tebchaws txhiv nej dim, muab Ethiauphias lub tebchaws thiab Xaipas lub tebchaws pauv nej.

**Kuv yuav muab tagnrho tej haivneeg pauv nej txojsia, rau qhov nej muaj nujnqis heev rau kuv, kuv hluv nej thiab ua rau nej muaj ntsejmuag.**

Tsis txhob ntshai kuv nrog nraim nej nyob. Kuv yuav sau nej haivneeg los puag pem hnuvtauj, thiab puag tim hnuvpoob rov los nyob ua ke hauv nej teb nej chaw.

**Kuv yuav qhia kom sab ped tso lawv los, thiab qhia kom sab nrad txhob cheem lawv nyob. Cia li tso kuv haivneeg uas nyob hauv tebchaws deb hauv qabntuj rov qab los. Lawv yog kuv haivneeg kuv tsim lawv los ua rau kuv tau ntsejmuag. (Yaxayas 43:1-6)**